

Athör cī Paulo gät kōc gen Kolothia

Wet nom

Athör Paulo cī gät kōc gen Kolothia, aget akut kōc cī gam pan Athia tō ciēen gen Epethuth. Akut kōc cī gam kēnē acie Paulo yen loi ye, ku aye yōk yepuōu ke ye luōi dhil looi aya, cīt lōn cī yen kacke tuōc gen Epethuth aya, yen gendit yen rēer raandit beny apuruuk pan Athia thīn. Ēcī Paulo piņ lōn ala kōc ē piōoc kōk kōc cī gam gen Kolothia piōoc bīk dhēl la cōk puōl. Ku yekē lueel lōn raan adhil jak kōk atheek, nadē ke bī jal luōk ē kuat kē cīt ŋuōt, thek lōņ ku miēth ye cam.

Paulo agät athör kēnē bī jai piōoc ræckä, ku ye piōoc dhēl peth ē yic Wet Puōth Yam, yen gam. Kē tō thīn, ee lōn nadē ke Jethu Krītho alēu bī kōc luōk ē rot, ku kuat kāk cīt kākä aa kōc thēl wei Jethu lōm. Rin Jethu Krītho Nhialic acī nhial ku piny ku kāk tō thīn cak. Ku rienke aya yen awic yen ye bī kōc dhuōk yeyōu. Ee met bī kōc rōt mat kek Jethu Krītho yen ē ŋōth bī kōc luōk ē rot pinyhom. Acī Paulo lek kōc aya lōn piōoc kēnē ē kōc cī gam cōl aa pīr pīr path.

Det lēu bī ŋic ē lōn nadē ke raan cōl Tikikuth yen yeth athör gen Kolothia rin Paulo aa cath kek raan cōl Onethimuth, alony yen cī Paulo athör gōt rienke tēnē Pilemon.

Kāk tō thīn

Muōth tueņ 1:1-14

Dit ē Raan cī lōc ku dōc 1:15-23

Luōi Paulo ke cīt alony tēnē akut kōc cī gam 1:24-2:5

Pīr yam Raan cī lōc ku dōc yic 2:6-4:6

Muōth ciēen 4:7-18

1 ¹ Ee yen Paulo cī Nhialic looi ba ya atuny Jethu raan cī lōc ku dōc, yen agät athör kēnē yok wāmāath cī gam Timothī.

² Tēnē wek kōc cī Nhialic gam gen Kolothia, kōc buōth Raan cī lōc ku dōc. Bī Nhialic we gām athieei ku dōr.

³ Nhialic Wun Bānyda Jethu raan cī lōc ku dōc, ayeku leec akōlakōl te rōok yok rienkun. ⁴ Rin gamdun tēnē Raan cī lōc ku dōc Jethu, ku nhiērdun tēnē kōc ē Nhialic aa cuk piņ. ⁵ Wäär bīi Wet Puōth Yam tēnē we tueņ, wek aa we cī kēn la yic ŋōth piņ Ku ē yen atō gam ku nhiērdun thīn, kāk ŋāthkē ke aacī tōōu apath tēnē we pan Nhialic. ⁶ Wet Puōth Yam athieei beei akōlakōl ku athieei pinyhom ēbēn, cimēn wäär looi yen rot kēya kamkun tewäär piņ wek dhēēņ ē Nhialic ku detkē yic tō thīn. ⁷ Wek aacī dhēēņ Nhialic piņ tēnē Epaprath raandan nhiarku lui ē puōu ēbēn tēnē Raan cī lōc ku dōc, ee rienkua. ⁸ Acī yō lek nhiēr cī Wēi Nhialic gām we.

⁹ Wet kēnē yen aye yok ke rōok rienkun tewäär piņ yok we. Nhialic ayeku lōņ bī we cōl aņic ye, ku ŋieec ē kāņ ēbēn wic Nhialic ku det ē wēl aya ye Wēi Nhialic ke gām kōc. ¹⁰ Ee kēya, ke week abāk lēu bāk pīr ē pīr yen wic Bānyda, ku kēnē ye cōl amit puōu yen abāk aa looi akōlakōl. Pierdun abī ya kāpath kek ye beei, ku ŋieec ŋic wek Nhialic abī rot juak. ¹¹⁻¹² Bī Nhialic we looi bāk riel, riel ben dhēēņ ē Nhialic, ku bāk lēu bāk kājuēc aa göok ke we duut wepuōth. Ku yakē Wāda leec ke we mit puōth, yen cī we gām riel bāk la abaņ kāk Nhialic wäär cī tāu kacke ruel Bānyde yic teyer. ¹³ Acī yō luāk bei riel jōņrac yic, ku bīi yō ē bāany Wēnden nhiēr yic, ¹⁴ yen cī yō wēer bei, ku pel adumuōmkua piny.

Dit ē Raan cī lōc ku dōc

¹⁵ Raan cī lōc ku dōc yen ye tiņ ke thōņ ke Nhialic cie tiņ. Yen ē kaaide, ku yen atō tueņ kāk cī cak ēbēn nhiim. ¹⁶ Rin ē yen acī Nhialic kəriēec ēbēn cak, kāk nhial ku piny, kāk ye tiņ ku kāk cie tiņ, acā atuuc nhial ku kārīl kōk cie tiņ la rieldit cak. Nhialic acī nhial ku piny cak ē yeen ku kāk tō thīn ēbēn aa kākke. ¹⁷ Raan cī lōc ku dōc a rēer thīn ke kāņ ēbēn kēc cak, ku ē rienke yen aye kəriēec ēbēn rēer nyiende. ¹⁸ Yen ē beny kōc cī gam. Yen aye kek pierden yōk thīn. Yen ē Wēndit tueņ wäär cī jōt bei raņ yic rin bī a yen tō tueņ kəriēec ēbēn. ¹⁹ Rin ē Nhialic yen acī ye tak ē rot bī Wēnde ciet yen Nhialic guōp alanden. ²⁰ Rin Wēnde yen acī Nhialic looi bī kāk tō nhial ku piny aa dōr kek ye. Thon Wēnde tim cī rīiu kōu yen acī yō cōl adōr kek Nhialic Wun.

²¹ Theer wek aa we mec ke Nhialic, ku wek aa we kōc aterde rin tektek rac ku käreç ke yakë ke looi ku takkë ke. ²² Ku emën, rin cī Wenden wäär cī ya raan cīmēnda thou rienkua ebën, Nhialic acī we cōl aaye mātke bī we beei bāk aa kōc la cōk cīn gup awuōc yenhom. ²³ Wek aa dhil la cōk ku muōkkë rōt ë dīl yenhom. Ku duōkkë rōt cōl aben thel wei ë nōthdun cāk yōk Wet Puoth Yam yic wäär cāk piņ. Ee rin ë Wet Puoth Yam kēnë yen acī yen ya alony, Wet Puoth Yam kēnë cī ya lek raan ebën pinynhom.

Luoi Paulo ke cīt alony tēnë akut kōc cī gam

²⁴ Ku emën yen acī puōu miet rin cī piōōcdien cā cōl agum we kony. Gumdien mec yen kēnë, ee rin ba dhōl cī Raan cī lōc ku dōc guum thīn, kuony bī thāap ë rin akut kōc cī gam ebën cīt guōp Jethu. ²⁵ Ku ë Nhialic yen acā looi ba ya alony akut kōc cī gam. Yen acā gām luoi ril kēnë, ba looi rin piathdun. Yen ë luoi wetde ebën nyuōth. ²⁶ Ku yen ë kē cī moony tetheer yōn tēnë raan ebën, ku emën acī jāl nyuōth kacke. ²⁷ Kē cī Nhialic guir ë lōn bī kē cī moony nyuōth tēnë kacke, kāpiathke ku dhēēnden cī moony muk rin kōc ebën. Ku kē cī moony ë lōn nadë ke Raan cī lōc ku dōc areer wegup, ku wetde yic wek aabi duaar Nhialic rōm kek ye. ²⁸ Kēya, Raan cī lōc ku dōc ayeku lek raan ebën. Yōk aa kōc lek ku nyuthku ke kuar kēriēec ebën ŋicku ë rin buk raan ebën beei Nhialic nhom, ke cīt raan la cōk cī mat kek Raan cī lōc ku dōc. ²⁹ Rin bī kēnë rot jal dhiel looi kēya, yen a ya cī buōc apeī ë riel wäär cī Raan cī lōc ku dōc gām ya, riel yen lui yaguōp.

2 ¹ Awieç ku bāk ŋic yen buōcdit buōc yen ba luui apeī rienkun, ku kōc gen Lodikia ku kōc kōk ebën kuc ya. ² Yen a ya lui kēlā rin ba ke deet puōth, ku bīk rōt nhiaar kamken ku rēerke ë tōk. Kēya, ka bī rōt aa deet ku ŋickë kēn cīeņ path beei kamken. Ku ë dhēlē, yen abī kek kē cī Nhialic muōny ke ŋic, ku yen ë Raan cī lōc ku dōc guōp. ³ Ee yen ë rot, yen ë yō kony buk wet ril kēnë deet yic, wet cī Nhialic jal cōl aņic emën.

⁴ Wek alek kēnë, duōkkë rōt cōl ameth nyīn wēl bī we thel wei bāk la kērac yic, te cōk ke aa piņ ke cīt yith. ⁵ Na cōk amēn cīi yen rēer ke we, ke piāndie areer ke we, yen ë puōu miet te piņ yen we ke we kāac ë cōk gamdun yic tēnë Raan cī lōc ku dōc.

Pir la cōk Raan cī lōc ku dōc nhom

⁶ Cīt lōn cī wek ye gam lōn ye Raan cī lōc ku dōc Jethu Beny, rēerke ke we cī weyiic mat kek ye. ⁷ Calkë aye yen ë meeidun ku pierdun, bāk riel apeī ë gamdun yic cīmēn wäär cī we piōōc. Ku bāk la lecdit apeī.

⁸ Tiērke nhīim lōn nadë ke cīn raan ben we thel leņ yic ë kāk lueth ye raan lueel yenhom ë path, wēl jak pinynhom ku cīeņ theer ku aacie kāk Raan cī lōc ku dōc. ⁹ Yeen nhom ë Nhialic alanden agut wäär rēer yen pinynhom, ku yeen ë raan aya. ¹⁰ Ku week aaci gām pir alanden rin cī wek mat kek ye, rin ë yen beny mac atuuc nhial ku jak kōk la riel.

¹¹ Wäär cī wek mat kek Raan cī lōc ku dōc, acī we ŋoot ku acie ŋuōt dhie ye looi kōc gup, ee ŋuōt Raan cī lōc ku dōc yen ye looi wēi yiic, ŋuōt ë kōc wēer bei adumuōōm yic, adumuōōm ye raan looi rin te cī ye cak thīn. ¹² Rin wäär cī we muōc nhīim, wek aa we cīt kōc cī thiōk raņ yic kek Raan cī lōc ku dōc. Ku miōc nhom acī we ben gām pir ë yam cīt kōc cī jōt bei raņ yic kek Jethu. Rin cī wek riel cī Nhialic Jethu jōt bei raņ yic gam. ¹³ Yōn theer weikun aake cī thou rin adumuōōmkun, rin wek aa we ye kōc cie kōc Itharel, alei kuc Nhialic ku lōōņke. Ku Nhialic emën acī we beei pir path yic kek Raan cī lōc ku dōc. Nhialic acā adumuōōmkua yōdhie pāl piny. ¹⁴ Acī kajuēc cuk wuōc cī gōt rienkua, kek lōōņ juēc la yiic kāk cīi ke lēu bī ke muk nhīim wuōōny wei. Acīt lōn cī Nhialic ke piāat tim cī rīiu kōu kek Jethu. ¹⁵ Ku ë tim cī rīiu kēnë kōu yen acī Raan cī lōc ku dōc lāau nhom yōk tēnë jak la riel, aaci ke cōl abuōth yecōk bī raan ebën ke tiņ cīmēn raan ril cī kōc ater dōm tōņ yic. Ku jōl yai cam rin cī yen riel.

¹⁶ Kēya, duōkkë raan det cōl aye yen we lek miēth yakë cam, tedë kē yakë dek ku lōņ wil ë pēei, ku lōņ akōl cīi kōc Itharel ë luui, ku akōōl kōk. ¹⁷ Kek lōōņkā acīn kē yekë nyuōth, aake jam kē bī rot looi kēn yen ë yic ë Raan cī lōc ku dōc. ¹⁸ Duōkkë raan det pāl bī we muōr bāk ariōpdun cīi yōk tēnë Jethu. Raan ye lueel ke yen apath tēnë kōc kōk. Raan rot yōk ciet yen ye Nhialic nyuōth kāņ. Kōc rōt nyuōth ciet ke ye kōc path ku keek aaci path acīn. Kōc ye lueel bā atuuc nhial aa door. ¹⁹ Raan cīt kēnë acī rot meec wei tēnë Raan cī lōc ku dōc yen mac akut kōc cī gam. Akut kōc cī gam acīt guōp Raan cī lōc ku dōc. Yeen amac akut ku ë dieer ë ye. Ku ë kāk tō thīn cōl alui ë tōk rin bī akut riel, ku le tueņ dhōl yen wīc Nhialic.

Thuōōu ku pir kek Raan cī lōc ku dōc

²⁰ Wek aaci thou kek Raan cī lōc ku dōc, ku wek cī wēer bei tēnë jōņrac pinynhom. Yenō kē deet ye wek pir abāk ciet kōc pinynhom ë ten? Yenō ye wek lōōņkā theek? ²¹ “Duōkkë kēnë ye muk,” “Duōkkë kēnë ye bil,” “Duōkkë deet ye gōot?” ²² Lōōņkā ebën acīn kē yōk thīn rin aa jam kāk guō thōk, aa lōōņ raan ë path

kek piöccden. ²³ Anjic raan ebën lon koc ke loi löönkä aacit koc njic kån. Ku ë lueth ë path. Ee dhël ye kek koc mac thïn, bï kek kæk cie Nhialic aa door. Ku yekë röt cöl aaye koc path. Ku löönken aa la yiic kækjuëc ril. Ku kärilkä aacie raan ë kony bï raan kë wïc guäpde lëu bï duut.

3 ¹ Rin cï Nhialic Raan cï lóc ku dóc jot thou yic, yen ë landun aya, aci we gäm pïr ë yam. Këya, yakë ke wïc kæk cï tâu we pan Nhialic, te cï Raan cï lóc ku dóc nyuc thïn ë kõnj cuëc ë Nhialic. ² Lak tueñ ke we tak kækä yiic ke cie kæk pinynhom ë ten. ³ Ku wek cï thou ke Jethu ku wek aa pïr ke ye ë Nhialic yic. ⁴ Pïr ë yic ë lon bæk aa tök kek Raan cï lóc ku dóc, rin te ben yen la ben ke week aya wek aabi duarde rom kek ye.

Pïr Theer ku Pïr ë Yam

⁵ Pälkë kuat kärec ye guöp raan wïc pinynhom cimën wïc wïc ë diäär. Ku luoi reec kök, ku tuil tiñ raan det, ku kæk koc cöl ayär gup, ku dît ë puöu. (Rin dît puöu acit lon ye raan jak door.) ⁶ Rin ë kækä, riän puöu ë Nhialic abï ben tënë koc cïi yen ë theek. ⁷ Wek aa we ë luui ë käreckä wäär kuc wek Nhialic, ku pierdun ëcï luoi ë kækä rum.

⁸ Ku ëmën wek aa dhil luoi kækä puöl, riääk ë puöu, ku kuith ku lumlum aa dhil ke puöl. ⁹ Duökkë röt ë jääm ë lueth, rin cï wek ciëñ theer puöl, ¹⁰ ku njek ë kamkun ëmën aci ya raan ë yam. Ku Nhialic aloi we bæk aa ciet yeen raan ë cak we, ku abäk jäl njic apath. ¹¹ Ku ë këya, Raan cï lóc ku dóc ë koc ebën nhiaar koc cie koc Itharel ku koc Itharel. Koc cï njoot ku koc këc ë njoot, kek koc ye njoot, koc cï kajuëc njic, raan kuat nhiaar tñj. Aloony ku koc cie aloony, rin Raan cï lóc ku dóc yen ë këriëëc ebën, ku areer kån yiic ebën.

¹² Wek aa koc kam koc akut nhieer Nhialic, ku aci wek kueny bei bæk aa kacke, wek aa dhil röt nyuöoth we ye koc path la puöth, yerké puöth ku lierkë puöth ku yakë gum. ¹³ Yakë njiec rëer ku yakë röt päl piny te le yen raan cï luöi kërac, tedë ke menhkui yen cï luöi awuöc. Yakë röt päl piny kamkun cimën ye Beny kärackun päl piny. ¹⁴ Ku kæk puöthkä ebën, matkë nhiër thïn, nhiër yen kån mat yiic ku cök ke piny. ¹⁵ Döör yen ye Raan cï lóc ku dóc gäm we, yen ë we cök nhïim täktäkdun yic, rin döör yen aci Nhialic we caal akut koc cï gam yic ebën rin bæk aa leec. ¹⁶ Wet Raan cï lóc ku dóc adhil rëer wepuöth apath, tetkë wet këne yic tënë koc ebën, ku tetkë yic apath kamkun aya dhël la cök. Ketkë waak puöth Nhialic, waak aleec ye ke Nhialic door. Kietkë waak tënë Nhialic kek aleec Nhialic wepuöth. ¹⁷ Kuat kæk yakë ke looi ebën, ku luelkë ke, aa dhielkë ke looi këya rin Bänyda Jethu, yen aye wek aleec yiëk Nhialic Wäda ë dhölde.

Bï raan rot muk këdë Pïr Yam yic

¹⁸ Wek diäär pienkë wël ye röörkun lek we, ku dhielkë looi këya rin ye wek koc ë Beny.

¹⁹ Wek röör aya, wek aa dhil diäärkun nhiaar ku duökkë ke ye kuöc ciëñj.

²⁰ Wek mïth, wek aa dhil koc ke dhiëth we aa theek akölaköl, rin yen ë Nhialic cöl amit puöu.

²¹ Wek koc we dhiëth mïth, duökkë ke ye nyieeny ë path, tedë ka bï dhör ë we.

²² Wek aloony, wek aa dhil kocun muk we theek ë kuat kajuëc yiic ebën. Ku acie nadë ke daai ë we, ke we lui tënë ke ku bæk aleec yök thïn, acie këya, yakë luui puön cïn yic tieel rin theek wek Nhialic. ²³ Kuat kæk yakë ke looi ebën, luöikë ke piändun ebën, cit ke luöikë ke Nhialic, ku acie raan yen luöikë ke. ²⁴ Dhielkë muk wenhïim lon Nhialic abï week gäm këpuöth cï tâu kacke, rin Raan cï lóc ku dóc yen ë raan yakë luöi. ²⁵ Kuat raan cï kërac looi abï tem awuöc rin käreec ye looi, rin Nhialic ë raan gäm awuöc thönj kek kë cï looi, tedë ye këpath aye kërac.

4 ¹ Wek koc ye luöi, dhielkë la cök apath tënë aluöonykun. Muökkë wenhïim lon wek aa la Benydun mac we pan Nhialic aya.

Lëk

² Yakë dhiel röök akölaköl, dhielkë wepuöth aa tääu thïn ke we lec Nhialic. ³ Yakë röök ë rienkua aya rin bï Nhialic cöl apuöl yic, ba Wet Puöth Yam rin Raan cï lóc ku dóc ë kuc theer a piöcc. Rin wet këne yen amec yen. ⁴ Röökkë, ba ya jam apei dhël bï wet këne cöl adet yic apath.

⁵ Njiekë kån aa looi tënë koc kuc wet Nhialic, ku lekkë ke apath, kuat te cï wek röm thïn ke ke. ⁶ Kæk yakë lueel aa dhil aa kæk ye koc kepuöth tääu thïn, ku nhiarkë ke bik ke piñ. Ku këya abäk njic yen te bï wek wël aa dhuök nhïim thïn tënë kuat raan we thiëëc.

Muöth Ciëen

⁷ Wämääth nhiaar cöl Tikikuth, raan la cök lui ke ʒo rin Bänyda, abí we lek kuat kák cī röt looi tēnē ʒa ēbēn. ⁸ Ku yen ē wet tuc ʒen ye we, rin bī we la dēet puöth, ku lēk we kuat kák loi röt tēnē ʒo aya. ⁹ Yeen ala kek Onethimuth, wämääthdan la cök, ku yen ē raan akuötdun. Ku keek aabí we lek te ciēŋ ʒok thīn ē ten.

¹⁰ Arithtarkuth cī mac ke ʒen ē ten ē we muöth aya, ku Marko wēn menh ē Barnaba. (Wek aca lek theer bāk Marko lor te le yen ʒet tēnē we.) ¹¹ Jocua, ku aye cöl Juthtuth aya, ee we muöth. Keek kadiäk aa kek kōc Itharel cī gam kepec lui kek ʒen rin wet bääny Nhialic, ku keek aacā kuony apeidit.

¹² Epaprath ē we muöth ku yen ē raan akuötdun, ku ye raan lui tēnē Raan cī lōc ku dōc Jethu. Yeen ē rōök rienkun akōlaköl ē piānde ēbēn, ke thiēc Nhialic bī we cöl aril puöth gamdun yic ke we ŋic kē wīc Nhialic.

¹³ Aleu ba lek we apeí yen te cī yen luui thīn rienkun bī Nhialic we kony, ku kōc gen Lodikia ku ʒērapolith aya. ¹⁴ Luka, akīmdan nhiarku apeí ku Demath aa we tuōc miäthden aya.

¹⁵ Lēkkē miethakāi rēer Lodikia ku Nimpa ku akut kōc cī gam ē mat paande lōn aa yake muöth apeidit.

¹⁶ Te cī wek athör kēnē kueen, ke dhielkē kueen akut kōc cī gam rēer Lodikia. Ku wek aa dhil athör ca tuōc miethakāi rēer Lodikia kueen aya. ¹⁷ Ku lēkkē Arkiputh ēlä, “Dhiel ŋic ba luoi ē Beny wäär cī gām yī ba looi, dhiel thöl.” ¹⁸ Ee cieendie ayic yen agät ʒen muöth kēnē tēnē we, duōkkē nhīim mār wet rēer ʒen lōc. Bī dhēēŋ ē Nhialic rēer ke we.